



Na osnovu člana 13. Zakona o principima lokalne samouprave u Federaciji BiH („Službene novine Federacije BiH“, broj 49/06 i 51/09), Zakona o sportu Kantona Sarajevo („Službene novine Kantona Sarajevo“, broj: 45/12), i člana 84. Statuta Općine Stari Grad Sarajevo („Službene novine Kantona Sarajevo“, broj: 20/24), Općinsko vijeće Stari Grad Sarajevo, na 2. redovnoj sjednici, održanoj dana 27.12.2024.godine donijelo je

**PRAVILNIK**  
**O FINANSIRANJU/SUFINANSIRANJU RAZVOJA SPORTISTA SA PODRUČJA**  
**OPĆINE STARI GRAD SARAJEVO**

**I – OPĆE ODREDBE**

**Član 1.**  
**(Predmet Pravilnika)**

Ovim Pravilnikom uređuju se opći i posebni uslovi, postupak i kriteriji za finansiranje/sufinansiranje učešća na takmičenjima u Bosni i Hercegovini i inostranstvu zaslužnih/vrhunskih/perspektivnih sportista sa područja Općine Stari Grad Sarajevo, te uslovi, postupak i kriteriji finansiranja/sufinansiranja razvoja sportista pojedinaca i sportskih klubova sa područja Općine Stari Grad Sarajevo.

**Član 2.**  
**(Ostvarivanje prava)**

- (1) Pravo na dodjelu finansijskih sredstava u skladu sa ovim Pravilnikom, a putem Javnog poziva mogu ostvariti zaslužni/vrhunski/perspektivni sportisti sa područja Općine Stari Grad Sarajevo za: Olimpijske i Paraolimpijske igre, Evropsko i Svjetsko prvenstvo, Mediteranske igre, Balkansko prvenstvo, Državno prvenstvo, Univerzijadu kao i druga takmičenja u Bosni i Hercegovini i inostranstvu.
- (2) Pravo na dodjelu finansijskih sredstava u skladu sa ovim Pravilnikom, a putem Javnog poziva mogu se dodijeliti i za razvoj sportista pojedinaca i sportskih klubova sa područja Općine Stari Grad Sarajevo za odlazak na sportska takmičenja.

- (3) Ukoliko aplikant u toku jedne godine ima više takmičenja, finansiranje/sufinansiranje može ostvariti samo za jedno takmičenje.
- (4) Po odredbama ovog Pravilnika finansijska sredstva iz Budžeta Općine se mogu ostvariti ili shodno stavu 1. ili stavu 2. ovog člana.

## **II – ZASLUŽNI I VRHUNSKI SPORTISTI**

### **Član 3. (Status zaslužnog i vrhunskog sportiste)**

Zaslužnim i vrhunskim sportistom prema odredbama ovog Pravilnika smatra se sportista koji ispunjava jedan od sljedećih kriterija:

- ostvarena olimpijska norma;
- medalja/učešće na Olimpijskim igrama;
- medalja/učešće na Paraolimpijskim igrama;
- medalja/učešće u završnici Svjetskog prvenstva;
- medalja/učešće na Univerzijadi;
- medalja/učešće na Evropskom prvenstvu;
- medalja/učešće na Mediteranskim igrama;
- medalja/učešće na Balkanskom prvenstvu;
- medalja/učešće na drugim takmičenjima u BiH i inostranstvu.

## **III – PERSPEKTIVNI SPORTISTI**

### **Član 4. (Status perspektivnog sportiste)**

Perspektivnim sportistom prema odredbama ovog Pravilnika smatra se sportista koji ispunjava jedan od sljedećih kriterija:

- učešće u završnici Svjetskog prvenstva u seniorskoj ili konkurenciji kojoj sportista pripada po godinama;
- učešće u završnici Evropskog prvenstva u seniorskoj ili konkurenciji kojoj sportista pripada po godinama;
- učešće u završnici Mediteranskih igara u seniorskoj ili konkurenciji kojoj sportista pripada po godinama;
- učešće u završnici Balkanskog prvenstva u seniorskoj ili konkurenciji kojoj sportista pripada po godinama;
- medalja na državnom prvenstvu u seniorskoj ili konkurenciji kojoj sportista pripada po godinama;
- članstvo u reprezentaciji.

## **IV – JAVNI POZIV ZA DODJELU FINANSIJSKIH SREDSTAVA**

### **Član 5. (Javni poziv)**

- (1) Dodjela finansijskih sredstava za finansiranje/sufinansiranje učešća na takmičenjima u Bosni i Hercegovini i inostranstvu zaslužnih/vrhunskih/perspektivnih sportista vrši se putem Javnog poziva kojeg raspisuje Općinski načelnik.
- (2) Raspisivanju Javnog poziva iz stava 1. ovog člana kojeg raspisuje Općinski načelnik prethodi donošenje Odluke o pokretanju postupka raspisivanja javnog poziva kojom se određuje ukupan iznos finansijskih sredstava koji je predmetom Javnog poziva uz navođenje procenata od ukupnog iznosa finansijskih sredstava prema nivoima takmičenja određenim Pravilnikom.

### **Član 6. (Sadržaj Javnog poziva)**

(1) Javni poziv obavezno sadrži:

- naziv organa koji raspisuje Javni poziv;
- osnov ostvarivanja finansijskih sredstava;
- spisak dokumentacije koja se obavezno dostavlja uz prijavu;
- aplikaciju na Javni poziv;
- vremenski period za koji se javni poziv raspisuje;
- način i rok za predaju prijave;
- informaciju o načinu komunikacije sa davaocem budžetskih sredstava;
- iznos finansijskih sredstava koja su predviđena za troškove odlaska na sportska takmičenja.

### **Član 7. (Dokumentacija za Javni poziv)**

Uz popunjeni Prijavni obrazac podnosilac zahtjeva obavezan je dostaviti sljedeću dokumentaciju (potpisane akte, originale ili ovjerene kopije) kako slijedi:

- Uvjerenje o državljanstvu ili Izvod iz matične knjige rođenih sa upisanim državljanstvom (ne stariji od 6 mjeseci);
- Potvrdu/obavještenje o prebivalištu iz CIPS-a (ne starija od 6 mjeseci);
- Uvjerenje o kretanju (ne starije od 3 mjeseca do dana podnošenja prijave);
- Potvrdu kao dokaz o ostvarenom sportskom uspjehu u protekloj sezoni kao dokaz o ispunjavanju jednog od kriterija iz člana 3. i 4. ovog Pravilnika;
- Izjavu kandidata kojom se daje saglasnost da se njegovi podaci mogu obrađivati u skladu sa članom 5. Zakona o zaštiti ličnih podataka („Službeni glasnik BiH“ broj 76/11). Za maloljetne kandidate izjavu daje roditelj/staratelj i ista treba biti ovjerena od strane nadležne općinske službe.

## **V – IZNOS FINANSIJSKIH SREDSTAVA**

### **Član 8. (Finansiranje troškova)**

Finansiranje/sufinansiranje troškova učešća na takmičenjima putem Javnog poziva iz člana 5. ovog Pravilnika obuhvataju troškove takmičenja u Bosni i Hercegovini i inostranstvu i to:

- Kotizaciju za učešće na takmičenju;
- Vizu;
- Smještaj i hranu;
- Prijevoz;
- Putno i zdravstveno osiguranje;
- Drugi troškovi.

## **VI - OPĆI I POSEBNI KRITERIJI ZA FINANSIRANJE/SUFINANSIRANJE TROŠKOVA TAKMIČENJA U BOSNI I HERCEGOVINI I INOSTRANSTVU**

### **Član 9. (Opći kriteriji za dodjelu sredstava)**

Opći kriteriji za dodjelu finansijskih sredstava zaslužnih/vrhunskih/perspektivnih sportista iz Budžeta Općine Stari Grad Sarajevo, putem javnog poziva su sljedeći:

- da je državljanin BiH;
- da ima prebivalište na Općini Stari Grad Sarajevo najmanje jednu godinu, do dana objave Javnog poziva;
- da je član kluba koji je registrovan za takmičenje u zvaničnom strukovnom sportskom savezu Federacije Bosne i Hercegovine/Bosne i Hercegovine.

### **Član 10. (Posebni kriteriji za dodjelu finansijskih sredstava)**

Posebni kriterij za dodjelu finansijskih sredstava zaslužnim/vrhunskim/perspektivnim sportistima iz Budžeta Općine Stari Grad Sarajevo, koji se boduju od 1 do 10 su sljedeći:

- učešće na Olimpijskim i Paraolimpijskim igrama;
- učešće na Univerzijadama;

- učešće na Svjetskim prvenstvima i kupovima, evropskim prvenstvima i kupovima;
- učešće na Mediteranskim igrama priznatim od svjetskih i evropskih federacija;
- učešće na državnim prvenstvima;
- učešće na drugim takmičenjima u Bosni i Hercegovini i inostranstvu po raspisanom Javnom pozivu iz člana 5. ovog Pravilnika.

**Član 11.**  
**(Komisija)**

- (1) Kompletnu proceduru odabira korisnika sredstava za finansiranje/sufinansiranje provodi Komisija za fizičku kulturu i sport Općinskog vijeća Stari Grad Sarajevo.
- (2) Komisija ima zadatak da:
  - Pregleda sve aplikacije sa dostavljenom dokumentacijom;
  - Aplikacije uz koje nije dostavljena obavezna dokumentacija iz člana 7. ovog Pravilnika, odbacuje kao da nisu ni podnesene i o istom obavještava aplikanta pismenim putem;
  - Utvrdi ispunjenost općih kriterija u skladu sa članom 9. ovog Pravilnika;
  - Utvrdi i boduje posebne kriterije za finansiranje/sufinansiranje zaslužnih/vrhunskih /perspektivnih sportistima sa područja Općine Stari Grad Sarajevo u skladu s članovima 6. 9. i 10. ovog Pravilnika.
- (3) Aplikacije koje ispunjavaju kriterije utvrđene ovim Pravilnikom, Komisija dostavlja Općinskom načelniku na odobravanje, uz preporuku o iznosu sredstava za svakog aplikanta pojedinačno uzimajući u obzir troškove koje aplikant ima tokom trenažnog procesa i priprema za takmičenja, te ukupan broj bodova ostvaren shodno odredbama ovog Pravilnika.
- (4) Zadatak Komisije je da u skladu sa odredbama ovog Pravilnika i na osnovu propisanih kriterija objavljenih u Javnom pozivu, svakih 60 dana pregleda dostavljene prijave sa dokumentacijom, te sačini pismeni izvještaj sa utvrđenim prijedlogom liste korisnika sredstava namijenjenih za podršku zaslužnim/vrhunskim/perspektivnim sportistima na području Općine Stari Grad Sarajevo.

**VII –ODOBRAVANJE SREDSTAVA PO RASPISANOM JAVNOM POZIVU**

**Član 12.**  
**(Dodjela finansijskih sredstava)**

Općinski načelnik na osnovu preporuke Komisije iz člana 11. donosi Odluku o dodjeli sredstava za svakog aplikanta pojedinačno, shodno odredbama ovog Pravilnika.

**Član 13.**  
**(Ugovor)**

- (1) Na osnovu Odluke Općinskog načelnika, sa izabranim aplikantom zaključuje se ugovor o dodjeli sredstava kojim se regulišu međusobna prava i obaveze.
- (2) Ugovore o dodjeli sredstava priprema Služba za obrazovanje, kulturu, sport i mlade.

**VIII-JAVNI POZIV ZA DODJELU FINANSIJSKIH SREDSTAVA ZA RAZVOJ  
SPORTISTA POJEDINACA I SPORTSKIH KLUBOVA**

**Član 14.**  
**(Javni poziv)**

- (1) Dodjela finansijskih sredstava za razvoj sportista pojedinaca, sportskih klubova sa područja Općine Stari Grad Sarajevo vrši se putem Javnog poziva koji raspisuje Općinski načelnik.
- (2) Raspisivanju Javnog poziva iz stava 1. ovog člana prethodi donošenje Odluke o pokretanju postupka raspisivanja javnog poziva kojom se određuje ukupan iznos finansijskih sredstava koji je predmetom Javnog poziva uz navođenje procenata od ukupnog iznosa finansijskih sredstava.

**Član 15.**  
**(Sadržaj Javnog poziva)**

(2) Javni poziv obavezno sadrži:

- naziv organa koji raspisuje Javni poziv;
- osnov ostvarivanja finansijskih sredstava;
- spisak dokumentacije koja se obavezno dostavlja uz prijavu;
- aplikaciju na Javni poziv;
- vremenski period za koji se javni poziv raspisuje;
- način i rok za predaju prijave;
- informaciju o načinu komunikacije sa davaocem budžetskih sredstava;
- iznos finansijskih sredstava koja su predmetom Javnog poziva.

**Član 16.**  
**(Dokumentacija za Javni poziv)**

Uz popunjeni Prijavni obrazac podnosilac zahtjeva obavezan je dostaviti sljedeću dokumentaciju (potpisane akte, originale ili ovjerene kopije) kako slijedi:

- Uvjerenje o državljanstvu ili Izvod iz matične knjige rođenih sa upisanim državljanstvom (ne stariji od 6 mjeseci);
- Potvrdu/obavještenje o prebivalištu iz CIPS-a (ne starija od 6 mjeseci);
- Uvjerenje o kretanju (ne starije od 3 mjeseca do dana podnošenja prijave);
- Potvrdu kao dokaz o eventualnoj ispunjenosti kriterija propisanim Javnim pozivom.
- Izjavu kandidata kojom se daje saglasnost da se njegovi podaci mogu obrađivati u skladu sa članom 5. Zakona o zaštiti ličnih podataka („Službeni glasnik BiH“ broj 76/11). Za maloljetne kandidate izjavu daje roditelj/staratelj i ista treba biti ovjerena od strane nadležne općinske službe.

**Član 17.**  
**(Finansiranje troškova)**

- (1) Finansiranje/sufinansiranje razvoja sportista pojedinaca, sportskih klubova sa područja Općine Stari Grad Sarajevo iz člana 14. ovog Pravilnika, kao što su:
- Kotizacija za učešće na takmičenju;
  - Viza;
  - Smještaj i hrana;
  - Prijevoz;
  - Putno i zdravstveno osiguranje;
  - Oprema i sportski rekviziti;
  - Troškova organizacije turnira i takmičenja, koji su od interesa za Općinu Stari Grad Sarajevo;
  - Drugi troškovi.

**Član 18.**  
**(Opći kriteriji za dodjelu sredstava)**

Opći kriteriji za dodjelu finansijskih sredstava za razvoj sportista pojedinaca, sportskih klubova sa područja Općine Stari Grad Sarajevo, putem javnog poziva su sljedeći:

- da je državljanin BiH;
- da ima prebivalište na Općini Stari Grad Sarajevo najmanje jednu godinu, do dana objave javnog poziva;
- da je član kluba koji je registrovan za takmičenje u zvaničnom strukovnom sportskom savezu Federacije Bosne i Hercegovine/Bosne i Hercegovine.

**Član 19.**  
**(Posebni kriteriji za dodjelu finansijskih sredstava)**

Posebni kriterij za dodjelu finansijskih sredstava za razvoj sportista pojedinaca, sportskih klubova sa područja Općine Stari Grad Sarajevo iz Budžeta Općine Stari Grad Sarajevo, koji se boduju od 1 do 10 su sljedeći:

- učešće na Olimpijskim i Paraolimpijskim igrama;
- učešće na Univerzijadama;
- učešće na Svjetskim prvenstvima i kupovima, evropskim prvenstvima i kupovima;
- učešće na Mediteranskim igrama priznatim od svjetskih i evropskih federacija;
- učešće na državnim prvenstvima;
- učešće na drugim takmičenjima u Bosni i Hercegovini i inostranstvu po raspisanom Javnom pozivu iz člana 14. ovog Pravilnika;
- ukupan broj godina bavljenja sportom;
- ostvareni sportski uspjeh u prethodnim godinama;
- ostvareni status perspektivnog sportiste.

**Član 20.**  
**(Komisija)**

- (1) Kompletnu proceduru odabira korisnika sredstava za finansiranje/sufinansiranje, shodno objavljenom Javnom pozivu iz člana 14. ovog Pravilnika provodi Komisija za fizičku kulturu i sport Općinskog vijeća Stari Grad Sarajevo.
- (2) Komisija ima zadatak da:
  - Pregleda sve aplikacije sa dostavljenom dokumentacijom;
  - Aplikacije uz koje nije dostavljena obavezna dokumentacija iz člana 16. ovog Pravilnika, odbacuje kao da nisu ni podnesene i o istom obavještava aplikanta pismenim putem;
  - Utvrdi ispunjenost općih kriterija u skladu sa članom 18. ovog Pravilnika;
  - Utvrdi i boduje posebne kriterije za finansiranje/sufinansiranje razvoja sportista pojedinaca, sportskih klubova sa područja Općine Stari Grad Sarajevo u skladu s članovima 18. i 19. ovog Pravilnika.
- (3) Aplikacije koje ispunjavaju kriterije utvrđene ovim Pravilnikom, Komisija dostavlja Općinskom načelniku na odobravanje, uz preporuku o iznosu sredstava za svakog aplikanta pojedinačno uzimajući u obzir troškove koje aplikant ima tokom trenažnog procesa.



- (4) Zadatak Komisije je da u skladu sa odredbama ovog Pravilnika i na osnovu propisanih kriterija objavljenih u Javnom pozivu, svakih 60 dana pregleda dostavljene prijave sa dokumentacijom, te sačini pismeni izvještaj sa utvrđenim prijedlogom liste korisnika sredstava namijenjenih za podršku za razvoj sportista pojedinaca, sportskih klubova sa područja Općine Stari Grad Sarajevo.

**Član 21.**  
**(Dodjela finansijskih sredstava)**

Općinski načelnik na osnovu preporuke Komisije iz člana 20. donosi Odluku o dodjeli sredstava za svakog aplikanta pojedinačno, shodno odredbama ovog Pravilnika.

**Član 22.**  
**(Ugovor)**

- (3) Na osnovu Odluke Općinskog načelnika, sa izabranim aplikantom zaključuje se ugovor o dodjeli sredstava kojim se regulišu međusobna prava i obaveze.
- (4) Ugovore o dodjeli sredstava priprema Služba za obrazovanje, kulturu, sport i mlade.

**Član 23.**  
**(Pravdanje sredstava)**

- (1) Dodijeljena sredstva po osnovu ugovora iz člana 13. i 22. aplikant/staratelj je obavezan opravdati.
- (2) Izvještaj o pravdanju dodijeljenih finansijskih sredstava u skladu s Ugovor dostavlja se Službi za obrazovanje, kulturu, sport i mlade najkasnije 90 dana od dana zaključivanja ugovora.
- (3) Ukoliko se dodijeljena sredstva ne opravdaju na način utvrđen stavom (1) ovog člana, podnosilac zahtjeva je obavezan finansijska sredstva vratiti u roku 30 (trideset) dana, u protivnom će se pokrenuti postupak pred nadležnim sudom putem Pravobranilaštva Općine Stari Grad Sarajevo, a isti neće imati pravo na dodjelu sredstava iz Budžeta Općine narednih 5 (pet) godina.

**IX – PRELAZNE I ZAVRŠNE ODREDBE**

**Član 24.**  
**(Terminološka upotreba)**

Terminološka upotreba muškog i ženskog gramatičkog roda u ovom Pravilniku podrazumijeva uključivanje oba roda.

**Član 25.**  
**(Ograničenje finansiranja/sufinansiranja)**

Pravo na finansiranje/sufinansiranje učešća na takmičenjima u Bosni i Hercegovini i inostranstvu zaslužnih/vrhunskih/perspektivnih sportista sa područja Općine Stari Grad Sarajevo, te finansiranje/sufinansiranje razvoja sportista pojedinaca i sportskih timova i sportskih klubova sa područja Općine Stari Grad Sarajevo, aplikanti sportisti mogu ostvariti samo po jednom osnovu.

**Član 26.**  
**(Stupanje na snagu Pravilnika)**

Ovaj Pravilnik stupa na snagu osmog dana od dana objave u „Službenim novinama Kantona Sarajevo“.



Broj: 02-45-979/24  
Sarajevo, 27.12.2024. godine